
SIARAN AKHBAR

(Untuk Siaran Segera)

CGC LANTIK SUHAIMI ALI SEBAGAI PENGARAH BUKAN BEBAS BUKAN EKSEKUTIF

KELANA JAYA, 5 Mei 2022 – Credit Guarantee Corporation Malaysia Berhad (CGC) telah melantik Suhaimi Ali sebagai Pengarah Bukan Bebas Bukan Eksekutif baharu berkuat kuasa 28 April 2022.

Suhaimi kini bertugas sebagai Penolong Gabenor Bank Negara Malaysia (BNM), yang bertanggungjawab untuk Jabatan Pembangunan dan Inovasi Kewangan, Jabatan Sistem Kewangan Islam dan Jabatan Rangkuman Kewangan. Beliau telah berkhidmat dengan BNM selama 24 tahun dalam pelbagai bidang termasuk pembangunan sektor kewangan, pengawalan dan penyeliaan, perancangan strategik, amalan pasaran, perundingan antarabangsa dan perkhidmatan IT, serta di Pejabat Gabenor.

Selain itu, beliau adalah ahli Jawatankuasa Pengurusan BNM, Jawatankuasa Risiko Lembaga, Jawatankuasa Pengurusan Krisis, Jawatankuasa Digital dan Teknologi, Jawatankuasa Pembangunan Kewangan, Jawatankuasa Kestabilan Kewangan, Jawatankuasa Dasar Bersama dan Jawatankuasa Pengurusan Rizab. Beliau juga merupakan ahli Lembaga Pemegang Amanah untuk Tabung Amanah Pusat Kepimpinan Kewangan Antarabangsa (ICLIF).

Suhaimi menyertai BNM pada 1998 selepas menamatkan pengajian dengan ijazah dalam Perakaunan dari University of Notre Dame, Amerika Syarikat.

Kehadiran Suhaimi di CGC diharap akan menyumbang kepada kemajuan Lembaga Pengarah, Pengurusan dan kakitangan.

CGC juga ingin merakamkan penghargaan kepada Penolong Gabenor BNM, Adnan Zaylani Mohamad Zahid, yang telah meletak jawatan sebagai Pengarah Bukan Bebas Bukan Eksekutif CGC pada 19 April 2022. Beliau menyertai Lembaga Pengarah CGC pada 18 Oktober 2018 dan telah menambahbaik CGC dengan pengalaman cemerlang lebih 28 tahun semasa berkhidmat di BNM dalam operasi pelaburan dan pasaran kewangan.

- TAMAT -



Mengenai CGC

Credit Guarantee Corporation Malaysia Berhad (CGC) telah ditubuhkan pada 5 Julai 1972. Ianya 78.65% dimiliki oleh Bank Negara Malaysia dan 21.35% oleh bank-bank komersial di Malaysia. CGC ditubuhkan untuk membantu PKS yang tidak mempunyai cagaran atau rekod yang tidak mencukupi untuk mendapatkan kemudahan kredit dari institusi kewangan dengan menyediakan perlindungan jaminan ke atas kemudahan tersebut. CGC telah memanfaatkan lebih daripada 508,000 jaminan dan pembiayaan kepada PKS bernilai lebih dari RM86.6 bilion sejak penubuhannya.

Pada 9 Februari 2018, CGC memperkenalkan imSME, sebuah platform rujukan pembiayaan/pinjaman PKS atas talian yang pertama di Malaysia. imSME berfungsi sebagai saluran alternatif bagi PKS untuk mendapatkan produk pembiayaan, menjimatkan masa dan kerumitan melalui proses yang memakan masa. Sejak penubuhannya hingga akhir Disember 2021, portal imSME telah menerima lebih 2.24 juta kunjungan dengan lebih 52,000 PKS berdaftar. Pada Ogos 2020, imSME memenangi “Anugerah Kewangan Islam Triple A Asset untuk Penyelesaian Perbankan Digital Terbaik”, satu pengiktirafan terhadap penyelesaian inovatifnya untuk menyediakan PKS dengan akses dalam talian yang mudah untuk memohon produk pembiayaan, di mana-mana, pada bila-bila masa. Pada April 2021, imSME telah dianugerahkan Platform Pembiayaan PKS Paling Inovatif di Malaysia oleh Anugerah Ekonomi Global 2021.

Untuk maklumat lanjut, sila layari www.cgc.com.my dan www.imsme.com.my.

Untuk pertanyaan media, sila hubungi Jabatan Komunikasi Korporat CGC:

Mohana Arumugam
Naib Presiden, Komunikasi Korporat
mohana.arumugam@cgc.com.my

Patricia Liew
Pengurus, Komunikasi Korporat
patricia.liew@cgc.com.my